

光緒元年十月

瀛
暎
雜
志

延壽題



W L 92/55

今天下省府廳州縣咸有志此官書也又有一家言入於說部猶之正史之外有裨乘云爾其書冠以地如荆楚歲時記益部耆舊洛陽伽藍諸記傳是已要於人物利病習尚醕酒詳繹之不無少裨吾友王仲弢蘇產而僑於松之上海居久之乃著一書曰瀛壖雜志既成以示蔣子蔣子讀未終卷瞿然起曰仲弢思深哉古有志之士雖蕉萃伊鬱其胸中固已包并靈巢涕笑萬感弗局於承睫間也上海夙稱壯縣自開海禁估舶直達地益饒庶西人從數萬里外通商而至築室以居官斯土者輒豢肥鶴飛去然殊州羣閭獍獍疾都市女間揖盜誨淫水生蠹石承雷盛衰倚伏之理有識者早憂之憂之無如何則作一書以示後庶少裨乎此仲弢之志也仲弢年甚富媚學弗倦充其養精其識其鄉人顧亭林貞士

郡國利病一書可坐言起行也區區流播云乎哉咸豐三年
歲在癸丑律中林鐘之月寶山蔣敦復

曩讀顧亭林所著書愛其揚摧古今羽翼經傳輒爲心折恨
不同時乃今得之

王紫詮先生爾乃東吳月旦首屈橫雲西洛風流神傾如海
講求在真經濟憂樂先關提倡在古文辭閎深是尙空疎陋
習誰復恣其雌黃帖括末流不敢驕其青紫況以人中傑爲
海外游奇氣亘標大觀遙拓疆域壯遠藉擴襟期波濤混茫
用開眼界太史公行游而後筆墨彌雄楊升菴閱厯所經著
述日富加之金戈鐵甲四野當兵燹之餘露布雲旂十載構
烽烟之變宜乎杰杰哀時之論蹢躅風雷煌煌考道之篇昭
彰日月劉蕡下第新進爲之汗顏杜牧談兵名公殷其說項
先生獨杜門却聘閉戶著書洋灑千言牢籠萬態所刻弢園
文集普法戰紀凡夫天文輿地國計民生盛衰治忽之機成

鄭之津液譬猶青萍結綠望氣識其寶光濫觴號鐘知音賓
其勁響繼組作者掉鞅文壇夫何間焉邇者出其瀛壖雜誌
見示上探原委旁逮見聞萃一方閭閻之全作百年人物之
志其中於奸民蹂躪外國居停備極周詳間參嘔噓以視宗
懔荆楚常璫華陽匪特頡頏於古人尤資考據於來哲展卷
靜對不啻卧游固宜紙貴一時書成萬本浣薇敬誦挾藻揚
芬羣皆比以孫樵僕自慚夫元晏終年蝨簡難尋珠海之源
永日螢編未覺文瀾之岸浮沉於揮毫弄翰思爲陸賈鈔書
景仰於北斗泰山願效君苗焚硯猥承大匠不棄小巫龍
許蛇依鴻求雀應領立說簪書之意識撫時感事之心忠孝
一生文章千古計謝公之出當在中年序洪氏之文敢辭不

侯或者他時子部名因繡梓而傳難忘此日朋交請溯識荆
所自時則

鄒夢南觀察具知人鑒嚶求友聲俾僕得識天下才慰胸中
願知有與郡國利病書後先輝映者不使亭林專美於前也
豈

同治十三年甲戌仲秋下澣嶺南順德黃懷珍百拜謹序具
於羊城望古軒

弁語

自古勝地名區每因文人學士足跡所經詠歌之紀載之其地其人其事爲之並傳吳郡王紫詮廣文博聞廣識著書等身茲以所撰瀛壖雜志六卷屬爲弁語讀其書有張饒陽朝野僉載之詳而無東方曼倩十洲記之誕凡山川之秀麗文物之蒼萃寓公之往來風俗之好尙一一詳記瞭如指掌瀛瀆爲天下閩閩之區邇來奢侈日甚此書著錄可補志書所未載是可傳也前讀廣文張園文錄則中興五論之流亞也讀普法戰紀則泊臺餘墨之勁敵也讀甕牖餘談則綏寇紀略之餘緒也世途險巇浮華相尙塵海滾滾才人陸沈識廣文者當舉之於魚鹽版築間也甲戌臘月上澣侯官林慶銓拜識

瀛壖雜志題辭

大著於滬城風景俗尚古蹟時事約而能該婉而多諷俯仰
低徊如聽琴海上合人之意也消癸丑中元江駕鵬識

雜書所見似寄閒情却於風俗人心微寓勸懲可以備志乘
採亦可自成一家言信著作才也乙卯臘月華亭弟筱峯張
鴻卓呵凍識

讀瀛壖雜志滬之風土人情瞭如指掌卽小以見大真經濟
才也風塵中多奇士洵哉 仲弢與蔣劍人李壬叔徜徉海
上爲詩酒交會當爲海天三友圖以識欽佩乙卯冬十二月
於申江之看山讀畫樓秉燭讀畢并附數言橫雲山民胡公
壽志

是書筆墨縟麗海濱風土畧盡之矣輶軒之採以俟異時邵

陽魏彥讀志

善乎哉是書有心者所當留意數十年中滬城掌故賴以不墜洵可與石湖吳郡志並傳陽湖趙烈文拜讀

此縮本上海志也游客巾箱中得此奚啻獲珙璧哉亟命鈔胥繕錄副本以資談助咸豐戊午冬日樵李秦光第李涵同讀於申江客次

褚華滬城備考世間刊本留傳甚少此書則專記近來數十年中事耳聞目見爲得其真每讀一過輒作宗少文卧遊想真覺貺我不盡也咸豐乙未冬日金陵孫文川徵之讀於申浦廬齋

仲弢爲人英爽濶達塵霾障海中遇之彌足爲快讀此書於滬上土風之醇樸俗尙之好異物產之恢奇人文之瑰偉瞻

然如掌上螺紋而仲弢之隨事隨在力於學問亦由此可知
自來海上抗塵走俗幾幾乎抑鬱莫語矣觀此快士益信吾
道之不孤薄識數語欣幸何極武進沐齋吳新銘
安得千百仲弢天下處處志之一室之間天下風土具焉則
吾不勞矣辛酉正月湘鄉左桂讀志

瀛壖雜誌題詞

愁憂茫茫來無端，塵沙老眼從頭看。陸離光怪是何物，珊瑚
瑋瑋金琅玕。嗟哉王郎負奇氣，出門不知行路難。日給筆札
坐揮霍，土風人物紛攔攔。職方與地所未及，稗官小說亦不
刊。結交況結天下士，玉筍挺立仙根蟠。

所交蔣劍人李
壬叔皆奇士

鶯花

絲竹互游譙，唐衢阮藉同。汎濶浩然登樓念，鄉里吳淞水接
海。天寬兵戈滿地流，氛惡旅人心。瞻寒不寒春風桃李競，嫵
媚媚媚獨秀懷芳蘭。我昔草元鄙揚子，渠今饒舌成豐干。饑
驅所謀惟菽水，家有弱弟能承歡。箸書自信足傳後，便爲記
室榮於官墨諸卷尾。待來雁統如街鼓，燈花殘滅豐丙辰。九
月下旬新陽滌盪，顧惺題於甫里天風草堂。

物土民風繪筆工，瀛壖一志記吳蒙。酒邊多少傷時淚，都在

豪華綺靡中秀水次公孫淵

陸機曾入洛中來地以人傳亦壯哉經濟文章同管樂風流
詞賦比鄒枚間從浩叔談金革著得奇書號玉杯萬卷讀餘
行萬里英雄氣概大儒才

人物山川萃一編轉移風俗寓微權華陽著述談常璩岳瀆
遨遊重史遷繡梓當途流譽遠從薪曲突見幾先齒牙餘慧
從君乞恨不掘衣早十年

愚姪鄒五雲拜題

瀛壖雜誌卷一

長洲 王 韜 紫詮甫

往余客居滬上偶有見聞隨筆記綴歲月既積篇幅遂多
闕跡炎陬此事乃廢然享帚知珍懷璞自賞庋藏敝篋不
忍棄捐庚午春間還自泰西日長多暇搜諸故篋其藁猶
存稍加編輯尙得盈四五卷因擬分次錄出并益以近事
以公同好噫余自同治紀元至此忽忽將十年矣歲月不
居頭顱如許邇來海上故人有招余作歸計者覺胸次頓
有中原氣象回憶舊游迴如隔世則展覽斯編淚不禁涔
涔下也辛未四月二十日天南邈叟識

上海居南吳盡境古爲禹貢揚州之域春秋屬吳後屬越名
不甚著旋入於楚戰國時相傳爲楚春申君封邑秦置膠縣